

春秋左傳杜注

春秋左傳杜注卷第二十九

華亭姚培謙

哀公

名蔣定公之子蓋夫人定姒所生謚法恭仁短折曰哀

經元年春王正月公即位無傳○楚子陳侯隨侯許

男圍蔡

隨世服於楚不通中國吳之入楚昭王奔隨隨人免之卒復楚圍楚人德之使列於諸侯故得見經定六年鄭滅許此復見者

楚楚封之○麇鼠食郊牛改卜牛○夏四月辛巳郊無傳書過也不

言所食所食非一處○秋齊侯衛侯伐晉○冬仲孫何忌帥師

伐邾無傳

傳元年春楚子圍蔡報柏舉也在定四年里而裁裁說被蔡為圍曼周

西吳蔡城一里。○裁才代反。○蔡聖園之。
欲置兵于內以攻蔡，使外人不得救也。

廣丈高倍

墨厚一丈，高二丈。

夫屯

晝夜九日

夫備兵也。墨未成，故今人在墨裏也。守蔡。

如子西之素

子西本計為墨，當用九日而成。

蔡

人男女以辨

辨別也。男女各別，係繫而出降。

使疆於江汝之間而還

楚欲

徙國在江水之北，汝水之南，求田以自安也。蔡權聽命，故楚師還。

蔡於是乎請遷于吳

楚既遷蔡，人更叛楚。

就吳為明年蔡遷州來傳。

○吳王夫差敗越于夫椒，報檇李也。

檇李，在定十四年。夫椒，吳郡吳縣西南太。

湖中椒山。○夫音扶。○通典：包山一名夫椒山。即西洞庭山也。今在江南蘇州府吳縣西南。

遂入越，越子以甲

楯五千，保于會稽。

會稽山也。在會稽山陰縣南。○會古外反。○在今浙江紹興府會稽縣東南十二里。

使

大夫種因吳犬宰嚭以行成。吳子將許之。伍員曰：

不可。臣聞之。樹德莫如滋。去疾莫如盡。昔有過澆

殺斟灌。以伐斟鄩。澆寒浞子。封于過者。二斟夏同姓諸侯。夏四年傳曰。澆用師滅斟灌。過平聲。澆五叫反。浞任提反。

滅夏后相。夏后相啓孫也。后相失國。依於二斟。復為澆所滅。后緡方娠。逃出自竇。后

相妻。娠懷身也。娠音身。緡。亡巾反。歸于有仍。后緡有仍氏女。生少康焉。為仍牧正。

牧官之長。其澆能戒之。其毒也。戒備也。澆使椒求之。椒澆之臣。逃奔有虞。為

之庖正。以除其害。虞舜後諸侯也。梁國有虞縣。庖正。掌膳羞之官。賴此以得除己害。今河南歸德府虞城縣南。

三里。有故虞城。虞思於是妻之以二姚。思有虞君也。虞思自以二女妻少康。姚虞姓。而邑

諸綸。綸。虞邑。今虞城縣東南三十五里有故綸城。有田一成。有衆一旅。方十里為成。五百人為旅。

能布其德而兆其謀。兆。始。以收復衆。撫其官職。襄四年傳曰。靡

自有高氏收二國之

墟以滅促而立少康

使女艾謀澆

女艾少康臣謀候也。女音汝

使季杼誘豷

積澆弟也。季杼少康子。后杼也。杼直呂反。豷許器反。

遂滅過戈。復禹之績

過澆國。戈豷國。

祀夏

配天不失舊物也

今吳不如過而越大於少康。或

將豐之不亦難乎

言與越成是使越豐大必為吳難

句踐能親而務施

施不失人

所加惠賜皆得其人。施去聲。

親不棄勞

推親愛之誠則不遺小勞

與我同壤

而世為仇讎。於是乎克而弗取。將又存之。違天而

長寇讎

猶言天與不取

後雖悔之不可食已

食消也。已止也。不可消食而止其患

之衰也。日可俟也

姬吳姓言可計日而待

介在蠻夷而長寇讎以

是求伯必不行矣。弗聽。退而告人曰。越十年生聚。

而十年教訓

生民聚財而後教之

二十年之外吳其為沼乎

謂吳

廢壞當為汙池為二十二年越入吳起本

三月越及吳平吳入越不書吳不告

慶越不告敗也

嫌夷狄不與華同故復發傳

○夏四月齊侯衛侯救邾圍五鹿

趙稷以邾鄆叛范中行氏之黨也五

鹿晉邑

○吳之入楚也

在定四年

使召陳懷公懷公朝國人而問

焉曰欲與楚者右欲與吳者左陳人從田無田從

黨

都邑之人無田者隨黨而立不知所與故直從所居田在右者居右在東者居左

逢滑當公而進

當公不左右

曰臣聞國之興也以福其亡也以禍今吳未有福

楚未有禍。楚未可弃。吳未可從而晉盟主也。若以

晉辭吳。若何。公曰。國勝君亡。非禍而何。楚為吳所勝對曰。

國之有是多矣。何必不復。小國猶復。况大國乎。臣

聞國之興也。視民如傷。是其福也。如傷恐驚動其亡也。以

民為土芥。是其禍也。芥草也楚雖無德。亦不艾殺其民。

吳日敝於兵。暴骨如莽。草之生於廣野。莽莽然。故曰草莽。艾。魚廢反。暴。步卜反。而未見

德焉。天其或者正訓楚也。使懼而改過禍之適吳。其何日

之有。言今至陳侯從之。及夫差克越。乃脩先君之怨。秋

八月。吳侵陳。脩舊怨也。傳言吳不脩德而脩怨所以亡

○齊侯衛侯會于乾侯。救范氏也。師及齊師。衛孔

圍鮮虞人。伐晉。取棘蒲。

魯師不書。非公命也。孔圍孔烝。鉏曹孫鮮虞。秋帥賤。故不書。○今直隸真定府

趙州城中。有棘蒲社。

○吳師在陳。楚大夫皆懼。曰：闔廬惟能用其民。以敗我於柏舉。今聞其嗣又甚焉。將若之何？子西曰：

二三子恤不相睦。無患吳矣。昔闔廬食不二味。

○謂與在

下同。其好惡不別。二為美味也。

居不重席。室不崇壇。

平地作室。不起壇也。

器不彤鏤。

彤丹也。鏤刻也。○彤徒冬反。鏤魯豆反。

宮室不觀。

觀臺榭。觀去聲。

舟車不飾。衣服財

用。擇不取費。

選取堅厚。不尚細靡。

在國。天有舊癘。

癘疾疫也。

親巡。孤寡

而共其乏困。在軍熟食者分，而後敢食。必須軍士皆分熟食，不敢先食。

分猶徧也。其所嘗者，卒乘與焉。所嘗甘珍非常食。勤恤其民，而與之

勞逸，是以民不罷勞，死知不曠。知身死不見曠弃。吾先大夫

子常易之，所以敗我也。易猶反也。今聞夫差次有臺榭陂

池焉。積土為高曰臺，有木曰榭。過再宿曰次。○陂，彼宜反。宿有妃嬙嬪御焉。妃嬙貴者嬪御，賤者皆內官。○

嬙，在羊反。嬪，毗人反。一日之行，所欲必成，玩好必從，珍異是聚。

觀樂是務，視民如讎，而用之日新，夫先自敗也已。

安能敗我。為二十二年越滅吳起本。

○冬十月，晉趙鞅伐朝歌。討范中行氏。

經二年春王二月季孫斯叔孫州仇仲孫何忌帥

師伐邾取漵東田及沂西田邾人以賂取之癸巳叔孫

州仇仲孫何忌及邾子盟于句繹邾音郭夏四月丙子

在今山東兗州府鄒縣境十四年小邾以句繹來奔此云邾地蓋國竟相近所屬無常若莒魯爭邾之等○夏四月丙子

衛侯元卒定四年盟臯馳○滕子來朝無傳○晉趙鞅帥師納

衛世子蒯瞶于戚○秋八月甲戌晉趙鞅帥師及

鄭罕達帥師戰于鐵鄭師敗績皆陳曰戰大崩曰敗績鐵在戚城南罕達子皮孫○

冬十月葬衛靈公無傳七月而葬○十有一月蔡遷于州來

畏楚而請遷故以自遷為文蔡殺其大夫公子馬四懷土而欺大國故罪而書名許氏翰曰蔡悔請遷及兵

師入而委罪於駟稱國以殺殺無罪也

傳二年春伐邾將伐絞

絞邾邑○當在兗州府滕縣境

邾人愛其土故

賂以鄆沂之田而受盟

○初衛侯遊于郊子南僕

子南魯公子也僕御也

公曰余無子將

立女

崩贖奔無夫子

不對他日又謂之對曰郟不足以辱社

稷君其改圖君夫人在堂三揖在下

三揖卿大夫士○孔疏周禮司士云孤卿

特揖大夫以其等旅揖士旁三揖鄭玄云特揖一一揖之旅衆也大夫爵同者衆揖之三揖者士有上中下鄭眾云卿大夫士皆君之所揖禮君

命祗辱

言立適當以禮與外內同之今君私命事必不從適為辱

夏衛靈公卒夫人曰命

公子郟為犬子君命也對曰郟異於他子

言用意不同

且

君沒於吾手

○君薨時在左右

若有之。郢必聞之。

言當以臨殯為正

且

亡人之子輒在

輒蒯賁之子出公也。靈公適孫

乃立輒。六月乙酉，晉趙

鞅納衛太子于戚，宵迷。陽虎曰：「右河而南，必至焉。」

是時河北流過元城界，戚在河外。晉軍已渡河，故欲出河右而南。

使太子綽

綽者始發喪之服。綽音問。

八人

衰經，偽自衛逆者。

欲為衛人逆，故衰經成服。

告於門，哭而入，遂居之。

○秋八月，齊人輸范氏粟，鄭子姚子般送之。

子姚，罕達子般。

駟弘。般音班。

士吉射逆之。趙鞅禦之，遇於戚。陽虎曰：「吾車

少，以兵車之旆，與罕駟兵車先陳。

旆，先驅車也。以先驅車，益其兵車，以示衆。○陳去聲。

罕駟自後隨而從之。彼見吾貌，必有懼心。

晉人先陳，鄭人隨之，不知

其虛實見車多必懼。傳氏遜曰：設施於軍前，威為軍容。於是乎會之。

與罕駟兵車在前者相對，彼自後望之，不知虛實，故懼。於是乎會之。

戰必大敗之。從之卜戰，龜焦。樂丁曰：詩曰：爰始

爰謀，爰契我龜。樂丁，晉大夫。詩，大雅。言先謀協以故兆詢可。

也。詢，諮詢也。故兆，始納衛天子卜得吉兆。言今既謀同，簡子誓曰：范

氏中行氏反，易天明。不事君也。○天有尊卑，人有上下。下事上，臣

也。明道。斬艾百姓，欲擅晉國，而滅其君，寡君恃鄭而保

焉。今鄭為不道，弃君助臣，二三子順天明，從君命。

經德義。○不除君惡，則德義廢矣。除詬取，在此行也。克敵者，上大夫受縣，下大夫受郡。周書作雒篇，千里百縣。士田

十萬

十萬畝也

庶人工商遂

得遂進仕

人臣隸圉免

去廩役○公羊何休注艾草為防者曰廩

汲水漿者曰役韋昭漢書注析薪曰廩

志父無罪君實圖之

志父趙簡子之一名也言已事濟君當圖其賞

若其有罪絞縊以戮

絞所以繼人物

桐棺三寸不設屬辟

屬辟棺之

重數王棺四重君再重大夫一重○屬音燭次大棺也辟步履反親身棺也○王棺四重被水牛及咒之革為一重辟為二重屬為三重次棺為四重君

再重屬與辟為一重大棺為再重大夫惟屬與大棺為一重今云不設辟者時儉耳非正禮也

素車樸馬

以載柩

無入

于兆

兆葬域

下卿之罰也

為衆設賞自設罰所以能克敵

甲戌將戰郵無恤

御簡子衛太子為右

郵無恤王良也

登鐵上

鐵邱名○今直隸大名府開州北有城城其南

為王合里即鐵邱也

望見鄭師衆太子懼自投于車下子良授

太子綏而乘之曰婦人也

言其怯

簡子巡列曰畢萬匹

夫也。七戰皆獲有馬百乘，死於牖下。

畢萬晉獻公卿也，皆獲有功，死於牖。

下言得壽終。

羣子勉之，死不在寇。

言有命。

繁羽御趙羅，宋勇爲

右。三子，晉大夫。

羅無勇，麋之

麋，束縛也。麋邱隕反。趙羅無勇，不能乘車束縛之，使在於車。

吏詰

之。御對曰：「疢作而伏。」

疢，瘡疾也。疢詩占反。

衛大子禱曰：「曾孫蒯

賁，敢昭告皇祖文王。」

周文王，皇大也。

烈祖康叔

烈顯也。

文祖襄公

總崇守文，故曰文祖。蒯賁，襄公之孫。

鄭勝亂從

勝，鄭聲公名，釋君助臣爲從於亂。

晉午在難

午，晉定公。

名。難去聲。

不能治亂，使鞅討之。

鞅，簡子名。

蒯賁不敢自佚，備持

矛焉。

戎右持矛。

敢告無絕筋，無折骨，無面傷，以集大事。無

作三祖羞。

集成也。

大命不敢請。

已之身命不敢私請，苟以求生。

佩玉不敢

愛不敢愛故以祈禱。禱請用玉在軍無珪璧故以佩。鄭人擊簡子中肩斃于車中

斃也獲其逢旗名旗旗名。天子救之以戈。鄭師北。獲溫大夫。

趙羅羅無勇故鄭師雖北猶獲羅。天子復伐之。鄭師大敗。獲齊粟于

車。趙孟喜曰：可矣。趙孟簡子也喜大子前怯今更勇。傅僂曰：雖克鄭猶

有知在。憂未艾也。傅僂簡子屬也言知氏將為難。後竟有晉陽之患。○僂音叟。初，周人與

范氏田。公孫尨稅焉。尨范氏臣為范氏收。周人所與田之稅。趙氏得而獻之。

得尨以獻簡子。吏請殺之。趙孟曰：爲其主也。何罪？止而與之。

田還其所稅。及鐵之戰，以徒五百人宵攻鄭師，取蠶旗於

子姚之幕下。獻曰：請報主德。追鄭師。姚般、公孫林

殿而射前列多死

晉解列。姚般射音石。

趙孟曰國無小

言小國

猶有善射者

既戰簡子曰吾伏弋嘔血

弋弓衣嘔吐也。弋吐刀反。

鼓音不

衰今日我上也

功為上

大子曰吾救主於車退敵於下

我右之上也郵良曰我兩鞞將絕吾能止之

止使不絕。鞞木

以皮為之所以約馬背而引車軸者

我御之上也駕而乘材兩鞞皆絕

細小也傳言簡子不讓下自伐。乘載也。

○吳洩庸如蔡納聘而稍納師師畢入衆知之

元年蔡納

遷于吳中悔故因聘襲之

蔡侯告大夫殺公子駟以說

殺駟以說吳者不時遷駟之為

哭

而遷墓

將遷與先君辭故哭

冬蔡遷于州來

經三年春齊國夏衛石曼姑帥師圍戚

曼姑為子圍父知其不義故推

齊使為兵首戚不稱衛非叛人

○夏四月甲午地震無傳○五月辛卯桓

宮僖宮災

天火曰災

○季孫斯叔孫州仇帥師城啓陽無傳

范氏哉懼晉七年四城啓陽今琅邪開陽縣○今山東兗州府沂州北十五里有開陽故城本鄰國後屬魯名啓陽也

○宋樂髡

帥師伐曹無傳

○秋七月丙子季孫斯卒○蔡人放

其大夫公孫獵于吳

無傳公子駟之黨

○冬十月癸卯秦伯

卒

無傳不書名未同盟

○叔孫州仇仲孫何忌帥師圍邾無傳

傳三年春齊衛圍戚求援于中山

中山解處

○夏五月辛卯司鐸火

司鐸官名

火踰公宮桓僖災桓公僖公廟

救火者皆曰顧府

言常人愛財

南宮敬叔至命周人出御

書俟於宮

敬叔孔子弟子南宮闕周人司周書典籍之官御書進於君者也使待命於宮

曰龙女而不

在死

龙其也。龙匹婢反。言具汝所職而有不在其罪死

子服景伯至命宰人出禮

書

景伯子服何也宰人家宰之屬

以待命命不共

待求之命

有常刑校人乘馬

巾車脂轄

校人掌馬巾車掌車乘馬使四四相從為駕之易。乘去聲下同為于偽反

百官官備府

庫慎守官人肅給

國有火災恐有變難故慎為備

濟濡帷幕鬱攸從之

鬱攸火氣也濡物於水出用為濟。從火氣而為之備

蒙茸公屋

以濡物冒覆公屋

自犬廟始外

內以悛

悛次也先尊後卑以次救之。悛七全反

助所不給有不用命則有常

刑無赦公父文伯至命校人駕乘車

乘車公車

季桓子至

御公立于象魏之外

象魏門闕

命救火者傷人則止財可

為也命藏象魏

周禮正月縣教令之法于象魏使萬民觀之故謂其書為象魏

曰舊章不可

亡也富父槐至曰無備而官辨者猶拾瀋也

槐富父終生之

後瀋汁也言不備而責辨不可得。瀋尺審反

於是乎去表之橐

表表火道風所向者去其橐積

道還

公宮

開除道厨而公宮使火無相連。還又作環戶關反

孔子在陳聞火曰其桓僖乎

言桓僖親盡而廟不毀宜為天所災。季氏出桓公又為僖公所立故不毀其廟

○劉氏范氏世為婚姻

劉氏周卿士范氏晉大夫

長弘事劉文公

為之屬大夫

夫故周與范氏趙鞅以為討

責周與范氏

六月癸卯周人

殺長弘

終違天之禍。孔疏文公以定四年卒也為之屬大夫謂當昭公之世也此時文公已卒長弘知政以己先事劉子劉氏又與

范氏親至握國權遂與范氏故周人殺之以說於晉

○秋季孫有疾命正常曰無死

正常桓子之寵臣欲付以後事故襄令勿從已死

南

孺子之子男也則以告而立之

南孺子季桓子之妻言若生男告公而立之

女

也則肥也可

肥東子也

季孫卒康子即位既葬康子在朝

在公朝也

南氏生男正常載以如朝告曰天子有遺言命

其圍臣曰南氏生男則以告於君與大夫而立之

今生矣男也敢告遂奔衛康子請退

退辟位也

公使其劉

視之

共劉魯大夫共音恭

則或殺之矣乃討之

討殺者

召正常正常

不反

畏康子也傳備言季氏家事

○冬十月晉趙鞅圍朝歌師于其南

范中行所在

荀寅伐

其郭

伐其北郭圍

使其徒自北門入已犯師而出

荀寅使在外救己之徒擊

趙氏圍之北門因外內攻得出

癸丑奔邯鄲十一月趙鞅殺士臯夷惡

范氏也

惡范氏而殺其族言遷怒

經四年春王二月庚戌盜殺蔡侯申

賤者故稱盜不言弑其君賤盜也

案宣十七年蔡侯申卒是文侯也今昭侯是其玄孫不容與高祖同名未審何者誤

○殺公穀作弑蔡公孫辰出奔

吳

弑君賊之黨故書名

○葬秦惠公無傳○宋人執小邾子

無傳邾子無道

於其民故稱人以執稱人以執非伯討也

○夏蔡殺其大夫公孫姓公孫霍

皆弑君黨

○晉人執戎蠻子赤歸于楚

晉恥為楚執諸侯故稱人以告若蠻子不

道於其民也。赤本屬楚，故言歸。○胡傳其曰：晉人云者，罪之也。文公執曹伯，則曰：昇宋人。今此曷云歸于楚？歸于楚者，猶曰：京師楚也。晉主夏盟，為日久矣，不競至此。

春秋所惡

○城西郭

無傳魯西郭備晉也

○六月辛丑，亳社災。

無傳天火

也。亳社，殷社，諸侯有之，所以戒亡國。○亡國之社有屋，故災。

○秋八月甲寅，滕子結卒。

無傳同盟

於卑。○冬十有二月，葬蔡昭公。

無傳亂故是心疑

○葬滕頃公。

無傳

傳四年春，蔡昭侯將如吳，諸大夫恐其又遷也，承

承音懲蓋楚言也

公孫翩逐而射之，入於家人而卒。

翩蔡大夫入於凡

人之家而卒也

以兩矢門之，衆莫敢進。

翩以矢自守其門

文之錯後至。

錯蔡大夫

曰：如牆而進，多而殺二人。

併行如錯執弓而

錯音楷

先翮射之中肘錯遂殺之故逐公孫辰而殺公孫

姓公孫盱

盱即霍也。盱况于反。

○夏楚人既克夷虎

夷虎蠻夷。叛楚者。

乃謀北方左司馬販

申公壽餘葉公諸梁致蔡於負函

三子楚大夫也。此蔡之故地。人民楚因以為邑。

致之者會其衆也。販普版反。

致方城之外於繒關

負函繒關皆楚地。繒才陵反。負函當在今河南汝寧

府信陽州

曰吳將沂江入郢

逆流

曰沂將奔命焉為一昔之期襲

梁及霍

偽辭當備吳夜結期明日便襲梁霍使不知之梁河南梁縣西南故城也梁南有霍陽山皆蠻子之邑也。一昔一夜也。

單

浮餘圍蠻氏蠻氏潰

浮餘楚大夫。單音善。

蠻子赤奔晉陰地

陰地河南

山北自上雒以東至陸渾

司馬起豐析與狄戎

楚司馬販也析縣屬南鄉郡析南有豐鄉皆楚邑發此二邑人

及戎狄。○今河南南陽府淅川縣及內鄉縣之西北境皆析地也。淅川縣西南有豐鄉城，其地與鄧陽相接。以臨上雒左。

師軍于菟和。菟和山在上雒東也。○菟音徒。○今陝西右師軍。

于倉野。倉野在上雒縣。○今商州東南有倉野，聚三邑之兵與戎狄之衆，以臨上雒，而分軍為二，以脅晉人也。使謂陰

地之命大夫士蔑。命大夫，別縣監尹。○孔疏：陰地者，河南山北東西橫長，其間非一邑也。若是與邑大夫，則當以

邑冠之，乃言陰地之命大夫，則是特命大夫使總監陰地，故以為別縣監尹也。曰：晉楚有盟，好惡同之。

若將不廢寡君之願也。不然，將通於少習，以聽命。

少習，商縣武關也。將大開武關道以伐晉。○武關在今商州東少習山下。士蔑請諸趙孟。趙孟曰：晉

國未寧，安能惡於楚？必速與之。未寧時有范中行之難。士蔑乃致

九州之戎。九州戎在晉陰地陸渾者。將裂田以與蠻子而城之。以莊且

將爲之卜城。蠻子聽卜，遂執之，與其五大夫以界。

楚師于三戶。

今丹水縣北三戶亭。今浙川縣西南有三戶城。

司馬致邑立宗焉，以

誘其遺民。

楚復詐爲蠻子作邑立其宗主。

而盡俘以歸。

○秋七月，齊陳乞弒施衛甯，跪救范氏。

陳乞傷子。弦施弦多。

庚

午，圍五鹿。

五鹿，晉邑。

九月，趙鞅圍邯鄲。冬十一月，邯鄲降。

荀寅奔鮮虞，趙稷奔臨。

臨，晉邑。今真隸真定府臨城縣東，有臨城故城。

十二月，弦

施逆之，遂墮臨。

○墮，許規反。稷初奔臨，欲據臨距圍。今弦施逆稷，欲納之他邑，以臨險固，故毀之。

國夏

伐晉，取邢、任、欒、鄆，逆時陰人孟壺口。

八邑，晉地。欒在趙圍平棘縣西北，鄆即高

邑縣也。路縣東有壺口關。○任，音壬，鄆呼洛反。時音止。○今欒城縣及趙州北境皆古欒邑地。柏鄉縣北故城鎮，即故鄆城地。晉高邑也，俱屬真定府。鄭

道元以逆時為曲逆今曲逆故城在直隸保定府完縣東南二十里壺口關在今山西潞安府黎城縣東北太行山口俗名吾兒峪是也

會鮮虞納荀寅于柏人

晉邑也今趙國柏人縣也弦施與鮮虞會也今直隸順德府唐山縣西有柏人故城

經五年春城毗

無傳備晉也毗頻夷反

○夏齊侯伐宋

無傳

○晉趙

鞅帥師伐衛○秋九月癸酉齊侯杵臼卒

再同盟也

○冬

叔還如齊

○還音旋

○閏月葬齊景公

無傳

傳五年春晉圍柏人荀寅士吉射奔齊初范氏之

臣王生惡張柳朔言諸昭子使為柏人

為柏人宰也昭昭子范吉射

子曰夫非而讎乎對曰私讎不及公事也

公家之

好不廢

過惡不去善義之經也臣敢違之及范氏出

出柏人奔齊

好惡並去聲去上聲

張柳朔謂其子爾從主勉之我將止死王

生授我矣

授我死節

吾不可以僭之遂死於柏人

為吉射距晉戰死

○夏趙鞅伐衛范氏之故也遂圍中牟

衛助范氏故也

○齊燕姬生子不成而死

燕姬景公夫人不成未冠也

諸子鬻如之

子荼嬖

諸子庶公子也鬻如景公妾荼安孺子○鬻音育

諸大夫恐其為犬子也言

於公曰君之齒長矣未有犬子若之何公曰二三

子閒於憂虞則有疾疢亦姑謀樂何憂於無君

景公意欲

立荼而未發故以此言塞大夫請○間音閑

公疾使國惠子高昭子立荼

惠子國高昭子

張寘羣公子於萊

萊齊東鄙邑○今山東登州府黃縣東南有萊子城是也

秋齊景公卒

冬十月公子嘉公子駒公子黔奔衛公子鉏公子

陽生來奔

皆景公子在萊者

萊人歌之曰景公死乎不與埋

三軍之事乎不與謀師乎師乎何黨之乎

師衆也黨所也之往也稱

謚蓋葬後而爲此歌哀羣公子失所○與去聲

○鄭駟秦富而侈嬖大夫也而常陳卿之車服於

其庭鄭人惡而殺之子思曰詩曰不解于位民之

攸暨

子思子產子國參也詩大雅攸所也暨息也

不守其位而能久者鮮矣商

頌曰不僭不濫不敢怠皇命以多福

僭差也濫溢也皇暇也言駟秦違詩商頌

故受禍

經六年春城邾瑕

無傳備晉也任城亢父縣北有邾婁城。今在山東濟寧州南十里。

○晉趙鞅

帥師伐鮮虞○吳伐陳○夏齊國夏及高張來奔

二子阿君廢長立少既受命又不能全書名罪之也

○叔還會吳于相

無傳。相莊加反。

○秋七

月庚寅楚子軫卒

未同盟而赴以名

○齊陽生入于齊

為陳乞所逆故

書入齊陳乞弑其君荼

弑荼者朱毛與陽生也而書陳乞所以明乞立陽生而荼見弑則禍由乞始也楚比劫立

陳乞流涕子家憚老皆疑於免罪故春秋明而書之以為弑主

○冬仲孫何忌帥師伐邾

無傳

宋向巢帥師伐曹

無傳

傳六年春晉伐鮮虞治范氏之亂也

四年鮮虞納首寅于柏人

○吳伐陳復脩舊怨也

元年未得志故也

楚子曰吾先君與

陳有盟不可以不救乃救陳師于城父

陳盟在昭十三年

○齊陳乞僞事高國者

高張國夏受命立於陳乞欲害之故先僞事焉

每朝必駮

乘焉所從必言諸大夫

言其罪過

曰彼皆偃蹇將弃子之

命

偃蹇驕敖

皆曰高國得君

得君寵也

必偪我盍去諸固將謀子

子早圖之圖之莫如盡滅之需事之下也

需疑也

及朝

則曰彼虎狼也見我在子之側殺我無日矣請就

之位

欲與諸大夫謀高國故求就之

又謂諸大夫曰二子者禍矣恃得

君而欲謀二三子曰國之多難貴寵之由盍去之

而後君定既成謀矣盍及其未作也先諸作而後

悔亦無及也。大夫從之。夏六月戊辰，陳乞鮑牧

數鮑國孫

及諸大夫以甲入于公宮。昭子聞之，與惠子乘如

公戰于莊。敗

高國敗也。莊六執之道。

國人追之。國夏奔莒，遂及高

張晏圍弦施來奔

國晏嬰之子。圍施不書，非卿。

○秋七月，楚子在城父，將救陳。卜戰不吉，卜退不

吉。王曰：「然則死也，再敗楚師，不如死。」

前已敗於柏舉，今若退還亦是幾。

弃

盟逃讎，亦不如死。死一也，其死讎乎？命公子申爲

王不可，則命公子結，亦不可，則命公子啓。

申子西，結子期，啓子閻，皆

昭王五辭而後許，將戰。王有疾，庚寅，昭王攻大冥，卒

于城父

大冥陳地吳師所在。當在河南開封府陳州項城縣境。

子闔退曰。君王舍其子

而讓羣臣。敢忘君乎。從君之命。順也。

從命許立。

立君之子。

亦順也。二順不可失也。與子西子期謀。濟師開塗。

逆越女之子章。立之。而後還。

潛師密發也。閉塗不通外使也。越女昭王妾章。惠王。

是歲

也。有雲如衆赤鳥。夾日以飛。三日。楚子使問諸周

大史。周大史曰。其當王身乎。

日為人君妖氣守之。故以爲當王身。雲在楚上。唯楚見之。故禍不及

他。若禁之。可移於令尹司馬。

禁禳祭。禁音詠。

王曰。除腹心之

疾。而寘諸股肱。何益。不穀不有大過。天其夭諸。有

罪受罰。又焉移之。遂弗禁。初。昭王有疾。卜曰。河爲

崇王弗祭。大夫請祭諸郊。王曰：「三代命祀，祭不越

望。

諸侯望祀竟內山川星辰

江漢睢漳，楚之望也。

四水在楚界。睢七餘反。

禍福之至，

不是過也。不穀雖不德，河非所獲罪也。遂弗祭。孔

子曰：「楚昭王知大道矣，其不失國也宜哉。」夏書曰：

「惟彼陶唐，帥彼天常。」

逸書言堯禘天之常道。今五子之歌。

「有此冀方，今失

其行，亂其紀綱，乃滅而亡。」

滅亡謂夏桀也。唐虞及夏同都冀州，不易地而亡，由於不知大道故。滅亡謂太

康時

又曰：「允出茲在茲，由已率常，可矣。」

又逸書言信出已則福亦在已。今大禹謨。

○八月，齊邴意茲來奔。

高固黨

○陳僖子使召公子陽生。

名在七月，今在八月下，記事之次。

陽生駕而

見南郭且于

且于齊公子鉅在魯南郭。且子條反。

曰嘗獻馬於季孫不入

於上乘故又獻此請與子乘之

畏在家人聞其言故欲二人共載以試馬為辭。上乘繩

證反出萊門而告之故

魯郭門也

闕止知之先待諸外

闕止陽生家臣

子我也待外欲俱去

公子曰事未可知反與壬也處

壬陽生子簡公

戒之

遂行

戒使無洩言

逮夜至於齊國人知之

故以昏至不欲令人知也國人知而不言言陳

氏得眾

僖子使子士之母養之

隱於僖子家內子士母僖子妾

與饋者皆入

陳僖子又令陽生饋饋食之人入處公宮

冬十月丁卯立之將盟

盟諸大夫

鮑子醉而

往其臣差車鮑點

點鮑牧臣也差車主車之官。差所宜反

曰此誰之命也陳

子曰受命于鮑子遂誣鮑子曰子之命也

見其醉故誣之鮑

子曰女忘君之爲孺子牛而折其齒乎而背之也

孺子茶也景公嘗銜繩爲牛使茶牽之茶頓地故折其齒

悼公稽首

悼公陽生

曰吾子奉義而行

者也若我可不必亡一大夫

言已可爲君必不怨鮑子

若我不可不

必亡一公子

公子自謂也恐鮑子殺已故要之

義則進否則退敢不唯

子是從廢興無以亂則所願也鮑子曰誰非君之

子乃受盟

言陽生亦君之子固可立

使胡姬以安孺子如賴

胡姬景公妾也賴齊邑名

說去聲去鬻以茶之

殺王甲拘江說囚王豹於甸實之邱

三子景公嬖臣茶之黨也說音悅句音鈞

公使朱毛告於陳子

朱毛齊大夫

曰微子

則不及此然君異於器不可以二器二不匱君二

多難敢布諸大夫

○是時陳氏專擅國政如二君然

僖子不對而泣曰

君舉不信羣臣乎

舉皆也

以齊國之困困又有憂

內有饑荒之困

又有兵革之憂

少君不可以訪是以求長君庶亦能容羣臣

乎不然夫孺子何罪毛復命公悔之

悔失言

毛曰君大

訪於陳子而圖其小可也

大謂國政小謂殺茶

使毛遷孺子於

駘不至殺諸野幕之下葬諸爰冒淳

恐駘人不從故毛於於野張帳而殺之駘

齊邑爰冒淳地名實以冬殺經書秋者史書秋記始事遂迎其死通以冬告魯○駘他才反

經七年春宋皇瑗帥師侵鄭

瑗于春反

○晉魏曼多帥

師侵衛○夏公會吳于鄆

鄆今琅邪鄆縣○鄆才陵反

○秋公伐邾

八月己酉入邾以邾子益來

他國言歸於魯言來外內之辭

○宋人圍

曹冬鄭駟弘帥師救曹

傳七年春宋師侵鄭鄭叛晉故也

定八年鄭始叛

○晉師侵衛衛不服也

五年晉伐衛至今未服

○夏公會吳于郟

吳欲霸中國

吳來徵百牢子服景伯對

曰先王未之有也吳人曰宋百牢我

是時吳過宋得百牢

魯不

可以後宋且魯牢晉大夫過十

晉大夫范鞅也在昭二十一年

吳王百

牢不亦可乎景伯曰晉范鞅貪而弃禮以大國懼

敝邑故敝邑十一牢之君若以禮命於諸侯則有

數矣

有常數。○周禮大行人云。上公九牢。諸侯七牢。字男五牢。

若亦嘉禮。則有淫者矣。

過于常數。

周之王也。制禮上物不過十二。

上物。天子之牢。○陸氏集曰。如冕與旂俱十二。

旒玉路繁纓。十二就之類。

以爲天之大數也。

天有十二次。故制禮象之。

今弃周禮而白

必百牢。亦唯執事。吳人弗聽。景伯曰。吳將亡矣。弃

天而背本。

違周為背本。○弃。天十二之數。背周制禮之本。

不與。必弃疾於我。

放弃。凶疾來伐。

我乃與之。大宰嚭召季康子。

嚭。吳大夫。

康子使子貢辭。大

宰嚭曰。國君道長。

蓋言君長大於道。路。長上聲。

而大夫不出門。此何

禮也。對曰。豈以爲禮。畏大國也。

畏大國不敢。虛國盡行。

大國不以

禮命於諸侯。苟不以禮。豈可量也。寡君既共命焉。

其老豈敢弃其國。犬伯端委以治周禮。仲雍嗣之。

斷髮文身。羸以爲飾。豈禮也哉。有由然也。

犬伯周大王之長子。仲雍

犬伯弟也。犬伯仲雍讓其弟季歷。俱適荆蠻。遂有民衆。犬伯卒。無子。仲雍嗣立。不能行禮。致化。故效吳俗。言其權時制宜。以辟災害。非以爲禮也。端委。禮衣也。斷音短。越人常在水中。故斷其髮。文其身。以象龍子。故不見傷害。端委。委貌之冠。立端之衣也。

反自郢。以吳爲

無能爲也。

弃禮。知其不能霸也。

○季康子欲伐邾。乃饗大夫以謀之。子服景伯曰。

小所以事大。信也。大所以保小。仁也。背大國不信。

伐小國不仁。民保於城。城保於德。失二德者危。

將焉保。

二德。信與仁也。

孟孫曰。子三子以爲何如。

依諸大夫不意。故指問之。

賢而逆之

孟孫賢景伯欲使大夫不逆其言恐變安也。音烏。言景伯賢人也安有賢人之言而可違之。

對曰

合諸侯於塗山執玉帛者萬國

諸大夫對也諸侯執玉帛

今

其存者無數十焉唯大不字小不事大也

言諸侯相伐古

來以知必危何故不言

知伐邾必危自當言今不言者不危故也大夫以答孟孫所性且河附季孫

曾德

如邾而以衆加之可乎

孟孫念答大夫今魯德無以勝邾但欲恃衆可乎言不可。馮氏李驥曰此上

皆諸大夫語言列國至今相胥以亡者皆由背大國伐小國而然今魯背吳伐邾知危而不言者非不言乃言而無益耳况魯德如邾何可以亂治亂耶

蓋諸大夫皆與季孫不合故不樂而出

不樂而出

季孟意異佞直不同故罷饗

秋伐邾及范門

邾郭門也猶聞鐘聲

邾不禦寇

大夫諫不聽茅成子請告於吳

成子邾大夫茅夷鴻

不許曰魯擊柝聞於邾

言以近

吳二千里不三

月不至何及於我且國內豈不足

言足以距魯

成子以茅

叛

高平西南有茅鄉亭。在今山東兗州府金鄉縣西北四十里。

師遂入邾處其公宮衆師

書掠

虜掠取財物也。掠音亮。

邾衆保于繹

繹邾山也。在邾縣北。

師宵掠以邾子

益來

益邾隱公也。晝夜掠傳言康子無法。

獻于亳社

以其亡國與殷同。

囚諸負瑕負

瑕故有繹

負瑕魯邑。高平南平陽縣西北有瑕邱城前者魯得邾之繹民使在負瑕故使相就以辱之。瑕邱城在今兗州府

滋陽縣西二十五里

邾茅夷鴻以束帛乘韋自請救於吳

無君命故言自

去聲

曰魯弱晉而遠吳馮恃其衆

馮依

而背君之盟辟

君之執事

辟陋。辟音僻。

以陵我小國邾非敢自愛也懼君

威之不立君威之不立小國之憂也若夏盟於鄆

衍郟衍即郟也郟盟不書吳行夷禮禮儀不典非所以結信義故不錄秋而背之成求而不違言魯成其

所求無違逆也四方諸侯其何以事君且魯賦八百乘君之

貳也貳敵也會以八百乘之賦貢於吳言其國大邾賦六百乘君之私也為魯以

私奉貳唯君圖之吳子從之為明年吳伐我傳

○宋人圍曹鄭桓子思曰宋人有曹鄭之患也不

可以不救桓謹冬鄭師救曹侵宋初曹人或夢衆君

子立于社宮社宮社也而謀亡曹曹叔振鐸請待公孫彊

許之振鐸曹始祖旦而求之曹無之戒其子曰我死爾聞

公孫彊為政必去之及曹伯陽即位好田弋曹郟

人公孫彊好弋獲白鴈獻之且言田弋之說說之
因訪政事大說之有寵使爲司城以聽政夢者之
子乃行彊言霸說於曹伯曹伯從之乃背晉而奸
宋宋人伐之晉人不救築五邑於其郊曰黍邱揖
邱大城鍾邾

爲明年入曹傳也梁國下邑縣西南有黍邱亭○邢音
于○下邑即今之夏邑也屬河南歸德府黍邱亭在縣

西

經八年春王正月宋公入曹以曹伯陽歸

曹人背晉而
奸宋是以致

討宋公既還而不忍褚師之誦怒而反兵一舉滅曹滅非本志故以入告○湛
氏若水曰書宋公入曹以曹伯陽歸罪滅國也入曹俘君不必言滅而實滅
也

○吳伐我○夏齊人取讎及闞

不書伐兵未加而魯與之邑
闞在東平剛縣北○今山東

兗州府寧陽縣本魯闢邑地故剛城在縣東北三十五里

○歸邾子益于邾○秋七月○

冬十有二月癸亥杞伯過卒

無傳未同盟而赴以名○過平聲

○齊人

歸謹及闞

不言來命歸之無旨使也

傳八年春宋公伐曹將還褚師子肥殿

子肥宋大夫

曹人

詬之不行

詬詈辱也不行殿兵止也

師待之公聞之怒命反之遂滅

曹執曹伯及司城彊以歸殺之

終曹人之夢

○吳爲邾故將伐魯問於叔孫輒

問可伐不輒故魯人○定十二年輒與不狃襲

魯兵敗奔齊後自齊奔吳

叔孫輒對曰魯有名而無情

有大國名無情實

伐之

必得志焉退而告公山不狃

不狃亦故魯人

公山不狃曰非

禮也。君子違，不適讎國。

違，奔亡也。

未臣而有伐之，奔命焉。

死之可也。

未臣所適之國，若有伐本國者，則可還奔命，死其難。

所託也，則隱。

曾所因託則為之隱惡。既託

所適之國，則隱嘿不與其謀。

且夫人之行也，不以所惡廢鄉。

不以其私怨惡廢其鄉。

黨之好，惡去聲。

今子以小惡而欲覆宗國，不亦難乎？

輒魯公族，故謂

之宗國。覆，芳服反。

若使子率，子必辭。王將使我子張病之。

子張，子張也。

率，引導，非為帥也。以二人知魯道，故

王問於子洩。

子洩，子洩也。

對曰：魯雖無與立

緩時若無能自立。

必有與斃。

急則人人知懼，皆將同死戰。

諸侯將救之，未可以

得志焉。晉與齊楚輔之，是四讎也。

與魯而四。

夫魯齊晉之

脣，脣亡齒寒，君所知也。不救，何為？三月，吳伐我，子

洩率故道險從武城

故由險道欲使魚成備

初武城人或有因於

吳竟田焉

橋田

吳界拘郟人之漚管者曰何故使吾水滋

郟人亦橋田吳滋濁也

及吳師至拘者道之以伐武城克

之

郟人教吳必可克道晉導

王犯嘗為之宰澹臺子羽之父好焉

國人懼

王犯吳大夫故嘗奔魯為武城宰澹臺子羽武城人孔子弟子也其父與王犯相善國人懼其為內應澹待甘反

懿子

謂景伯若之何對曰吳師來斯與之戰何患焉且

召之而至又何求焉

言犯盟伐邾所以召吳

吳師克東陽而進舍

於五梧明日舍於蠶室

三邑魯地東陽在兗州府費縣西南七里今名關陽詣五梧城在費縣西

公賓庚公甲叔子與戰于夷獲叔子與析朱鉏

公賓庚公

甲叔子并析朱鉏為三人皆同車傳互言之

獻於王王曰此同車必使能國未

可望也

同車能俱死是國能使人故不可望得

明日舍于庚宗遂次於泗上

微虎欲宵攻王舍

微虎魯大夫

私屬徒七百人三踊於幕

庭

於帳前設格令士試躍之屬音燭

卒三百人有若與焉

卒終也終得三百人往行有若孔子弟子

與在三

百人中及稷門之內

三百人行至稷門

或謂季孫曰不足以害

吳而多殺國士不如已也乃止之吳子聞之一夕

三遷

畏微處也

吳人行成

求與魯成

將盟景伯曰楚人圍宋易子

而食析骸而爨

在宣十五年

猶無城下之盟我未及虧而

有城下之盟是奔國也吳輕而遠不能久將歸矣

請少待之弗從景伯負載造於萊門

以言不見從故負載
書將出盟○輕去

聲乃請釋子服何於吳吳人許之以王子姑曹當

之而後止

釋舍也魯人不以盟為了欲因留景伯為質於吳既得吳
之許復求吳王之子以交質吳人不欲留王子故遂兩止吳

人盟而還

不書盟
恥吳夷

○齊悼公之來也

在五

季康子以其妹妻之即位而

逆之季魴侯通焉

魴侯康子叔
父○魴音房

女言其情弗敢與也齊

侯怒夏五月齊鮑牧帥師伐我取讎及闡

○或譖胡姬於齊侯

胡姬景
公妾

曰安孺子之黨也六月

齊侯殺胡姬

傳言齊侯無
道所以不終

○齊侯使如吳請師將以伐我乃歸邾子

齊未得季姬故請師也吳

前為邾討魯懼二國同心故歸邾子

邾子又無道吳子使大夫宰子餘討之

子餘大宰

囚諸樓臺梃之以棘

梃梃也。梃在薦反。

使諸大夫奉大

子華以為政

華邾大夫桓公也為十年邾子來奔傳

○秋及齊平九月臧賓如如齊涖盟

賓如臧會子

齊閭邱

明來涖盟

明閭邱嬰之子也盟不書諱略之

且逆季姬以歸嬖

季姬紡侯所通者

○鮑牧又謂羣公子曰使女有馬千乘乎

有馬千乘使為君也鮑牧

本不欲立陽生故諷動羣公子

公子愬之公謂鮑子或譖子子姑居於

涖以察之

涖齊邑。言待我察之

若有之則分室以行若無之則

反子之所出門使以三分之一行半道使以二乘

及潞麋之以入遂殺之

麋亦東縛。麋邱隕反。

○冬十二月齊人歸讜及闡季姬嬖故也

經九年春王二月葬杞僖公

無傳三月而葬速

○宋皇瑗帥

師取鄭師于雍邱

書取覆而敗之雍邱縣屬陳留。雍於勇反。今河南開封府杞縣治也。

○夏楚

人伐陳○秋宋公伐鄭○冬十月

傳九年春齊侯使公孟綽辭師于吳

齊與魯平故辭吳師

吳子

曰昔歲寡人聞命今又革之不知所從將進受命

於君

為十年吳伐齊傳

○鄭武子賡之嬖許瑕求邑無以與之

賡字達也瑕武子之屬。賡以

證反請外取許之

瑕請取於他國也

故圍宋雍邱宋皇瑗圍鄭

師

許瑕師

每日遷舍

作壘壘成韓徙舍合其圍

壘合鄭師哭子姚救之火

敗

子姚武子賡也

二月甲戌宋取鄭師于雍邱使有能者無

死

惜其能也

以邾張與鄭羅歸

鄭之有能者

○夏楚人伐陳陳即吳故也

○宋公伐鄭

報雍邱

○秋吳城邾溝通江淮

於邾江築城穿溝東北通射陽湖西北至宋口入淮通糧道也今廣陵邾江是

○邾音寒射食亦反

○晉趙鞅卜救鄭遇水適火

水火之兆。服氏度曰北商得適火卜法。橫者為土。立者為木。

邪向經者為金。背經者為火。因兆而細曲者為水。

占諸史趙史墨史龜

皆晉史

史龜曰

是謂沈陽

火陽得水故沈

可以興兵

兵陰類也故可以興兵

利以伐姜不利

子商

姜齊姓子商謂宋

伐齊則可敵宋不吉。史墨曰。盈水名

也。子水位也。

趙鞅姓孟宋姓子水盈坎乃行于姓又得北方水位。○泰本配秦伯翳之後為贏姓。趙世家云趙氏之先與秦同

祖其伯翳後世為盈世。實廡有子二人。一曰嘉來其後為秦。一曰季勝其後為趙。今卜趙鞅伐宋故以贏子二姓為占也。

名位敵不

可干也。

二水俱盛故言不可干

炎帝為火師

神農有火瑞以火名官

姜姓其後也。

水勝火。伐姜則可。史趙曰。是謂如川之滿。不可游

也。

既盈而得水位故為如川之滿。不可馮游言其波流盛。

鄭方有罪不可救也。

鄭以嬖寵伐人故以為有

罪救鄭則不吉不知其他救鄭則當伐宋故不吉也陽虎以周易筮之

遇泰 乾下坤上泰 之需 乾下坎上需泰六五變 曰宋方吉不可

與也 不可與戰泰六五曰帝乙歸妹以祉元吉帝乙紂父立為天子故稱帝乙陰而得中有似王者嫁妹得如其願受福祿而大吉 微

子啓帝乙之元子也宋鄭甥舅也 宋鄭為昏姻甥舅之國宋為微子之後今卜得

帝乙卦故以為宋吉 祉祿也若帝乙之元子歸妹而有吉祿我

安得吉焉乃止 吉在彼則我伐之為不吉

○冬吳子使來傲師伐齊 前年齊與吳謀伐魯齊既與魯成而止故吳恨之反與魯謀伐齊

經十年春王二月邾子益來奔 ○公會吳伐齊 公會從不

與 ○三月戊戌齊侯陽生卒 以疾赴故不書弒 ○夏宋人伐鄭

無傳 ○晉趙鞅帥師侵齊 ○五月公至自伐齊 無傳 ○葬

齊悼公 無傳 ○衛公孟彊自齊歸于衛 無傳書歸齊納之 ○薛

伯夷卒 無傳赴以名故書 ○秋葬薛惠公 無傳 ○冬楚公子結

帥師伐陳 吳救陳 季子不書陳人來告不以名

傳十年春 邾隱公來奔 齊錫也 故遂奔齊 終子賈之言

○公會吳子邾子郟子 伐齊南部 師于郟 郟齊地邾師不書兵并屬

吳不列於諸侯 齊人弑悼公 赴于師 以說吳 ○吳氏漫曰當時以吳師在齊而公卒遂以為弑爾 吳子

三日哭于軍門之外 徐承帥舟師將自海入齊 齊

人敗之 吳師乃還 承吳大夫

○夏趙鞅帥師伐齊

經書僂以侵告。高氏閔曰：齊帥諸侯以戒。晉可以討矣。然趙鞅加兵於有喪之國，聖人

弗與也。故書僂異乎士句矣。

大夫請卜之。趙孟曰：吾卜於此起兵。

謂往

伐宋不吉利。以伐姜故今興兵。

事不再令。

再令。濟也。

卜不襲吉。

襲重也。

行也。於是乎

取犁及轅

犁一名隰。濟南有隰陰縣。祝阿縣西北有轅城。今臨邑縣西北有隰陰故城。本齊犁邑。禹城縣西北有瑗城。即轅也。俱屬山

東濟南府。

毀高唐之郭。侵及賴而還。

○秋吳子使來復傲師

伐齊未得志故為。明年吳伐齊傳。

○冬楚子期伐陳

陳即吳故。

吳延州來季子救陳。謂子期

曰：二君不務德

二君。吳楚。

而力爭諸侯。民何罪焉。我請退

以爲子名。務德而安民。乃還。

季子吳王壽夢少子也。壽夢以襄十二年卒。至今七十七歲。

季子已能讓國年當
十五六至今蓋九十餘

經十有一年春齊國書帥師伐我○夏陳轅頗出

奔鄭

書名
貪也

○五月公會吳伐齊甲戌齊國書帥師及

吳戰于艾陵齊師敗績獲齊國書

公與伐而不與
戰艾陵齊地

○秋

七月辛酉滕子虞母卒

無傳赴以
名故書之

○冬十有一月葬

滕隱公

無傳

○衛世叔齊出奔宋

書名
淫也

傳十一年春齊爲鄆故

鄆在
前年

國書高無平帥師伐我

及清

清齊地濟北盧縣東有清亭○
盧縣今長清縣屬山東濟南府

季孫謂其宰冉求

冉求魯人
孔子弟子

曰齊師在清必魯故也若之何求曰一子守二子

從公御諸竟季孫曰不能自度力不能使求曰居封疆

之間封疆竟內近郊之地季孫告二子二子叔孫孟孫也二子不可求曰

若不可則君無出一子帥師背城而戰不屬者非

魯人也屬臣屬也言不戰為不臣魯之羣室眾於齊之兵車羣室都邑居家一

室敵車優矣一都之眾敵齊之兵車有餘子何患焉二子之不欲戰

也宜政在季氏言二子恨季氏專政故不盡力當子之身齊人伐魯而

不能戰子之恥也大不列於諸侯矣季孫使從於

朝使冉求隨己之公朝侯於黨氏之溝黨氏漢朝中地名。黨音掌武叔呼而問

戰焉問冉求對曰君子有遠慮小人何知懿子強問之

對曰。小人慮材而言。量力而共者也。

言子所關非已材力所及故不能言

武叔曰。是謂我不成丈夫也。

知冉求非己不欲戰故不對

退而蒐乘。

蒐

孟孺子洩帥右師。

孺子孟懿子之子武伯禽

顏羽御。邴洩為右。

二子

臣

冉求帥左師。管周父御。樊遲為右。

樊遲魯人孔子弟子樊須

季孫

曰。須也弱。有子曰。就用命焉。

雖年少能用命有子冉求也

季氏之甲

七千。冉有以武城人三百為已徒卒。

步兵精兵

老幼守官。

次于雩門之外。

南城門也

五日。右師從之。

五日乃從言不欲戰

公叔務人

務人公為昭公子

見保者而泣。

保守城者

曰。事充煩。

縣投

政重多。

賦稅

上不能謀。

士不能死。何以治民。吾既言之矣。敢不勉乎。

既言人不能死

已不敢不死

師及齊師戰于郊。齊師自稷曲

稷曲地名

師不踰

溝。樊遲曰：非不能也，不信子也。

言魯師非不能踰溝也。不信子之號令也。

請

三刻而踰之。

與衆三刻約信

如之。衆從之。

如樊遲言。乃踰溝。

師入齊軍。

冉求之師

右師奔，齊人從之。

遂右師

陳瓘、陳莊涉泗。

二陳齊大夫。瓘古喚反。

孟之

側後入，以爲殿。

之側孟氏族也。字反。

抽矢策其馬，曰：「馬不進也。」

不飲伐善

林不狃之，伍曰：「走乎？」

不狃魯去五人。為伍敗而欲走。

不狃曰：「誰不如？」

我不如誰

而欲走

曰：「然則止乎？」不狃曰：「惡賢。」

言止戰惡足為賢。皆無戰志。惡音烏。

徐步而

死。

徐行而死。言魯非無壯士。但季孫不能使。

師獲甲首八十。

冉求所得

齊人不能師。

不能贊其

宵謀曰：「齊人遁也。」

謀聞也

冉有請從之。三季孫弗許。孟

孺子語人曰。我不如顏羽。而賢於邴洩。子與孟子羽。

銳敏。子羽顏羽銳精也。敏疾也。言欲戰。我不欲戰。而能默。心雖不欲。口不言奔。洩曰。驅之。

言驅馬欲奔。公爲與其嬖僮汪錡乘。皆死。皆殯。皆俱也。錡與錡反。孔子

曰。能執干戈以衛社稷。可無殤也。時人疑童子當殤。○孔

場十五至十二。為中殤。十一至八歲。為下殤。不滿八歲以下。皆為無服之殤。其於服也。長殤中殤。降成人一等。下殤降二等。此汪錡蓋長殤也。時人疑其

當降服。又葬殤之禮。亦異成人。檀弓云。周人以殷人之棺槨葬長殤。以夏后氏之聖。周葬中殤。下殤以有虞氏之瓦棺。葬無服之殤。冉有用

子於齊師。故能入其軍。孔子曰。義也。言能以義勇不書。戰不皆陳也。不書

敗勝負不殊。

○夏陳轅頗出奔鄭。初轅頗爲司徒。賦封田。以嫁

公女

封內之田
悉賦稅之

有餘以爲己大器

大器鐘
鼎之屬

國人逐之故

出道渴其族轅咺進稻醴梁糗暇脯焉

糗乾飯也。糗起九反。暇丁亂

反。咺况阮反。以稻米為醴酒。以梁米為乾飯。加薑桂曰脯。

喜曰何其給也對曰器成而

具

具此
禮糗

曰何不吾諫對曰懼先行

恐言不從
先見逐

○爲郊戰故公會吳子伐齊欲以報也五月克博壬申至

于贏

博古贏齊邑也。二縣皆屬泰山

中軍從王

吳中軍

胥門巢將上軍王子

姑曹將下軍展如將右軍

三將吳大夫

齊國書將中軍高

無平將上軍宗樓將下軍陳僖子謂其弟書爾死

我必得志

書子占也欲獲死事之功

宗子陽與間邱明相厲也

相勸厲致死子

陽宗樓也

桑掩胥御園子

園子國書

公孫夏曰二子必死

亦勉之將戰

公孫夏命其徒歌虞殯

虞殯送葬歌曲示必死

陳子行命其徒其

含玉

子行陳逆也其含玉亦示必死○含去聲

公孫揮命其徒曰人尋約吳髮

短

約繩也八尺為尋吳髮短欲以繩貫其首

東郭書曰三戰必死於此三矣

三戰夷儀

吾民與今

使問弦多以琴

弦多齊人也六年奔魯問遺也

曰吾不復見子矣

言將死戰

陳書曰此行也吾聞鼓而已不聞金矣

鼓以進軍金以退軍不聞金言

將死也傳言吳師殲齊人皆自知將敗

甲戌戰于艾陵展如敗高子

齊王軍敗

園子

敗胥門巢

吳土軍亦敗

王卒助之大敗齊師獲國書公孫

夏間邱明陳書東郭書革車八百乘甲首三千以

獻于公

公以兵從故以勞公

將戰吳子呼叔孫

叔孫武叔州仇

曰而事何

也

問何職

對曰從司馬

從吳司馬所命

王賜之甲劍鉞

鉞音悲反

曰奉

爾君事敬無廢命叔孫未能對衛賜進

賜子貢孔子弟子也○子貢衛

人故稱衛賜

曰州仇奉甲從君而拜

拜受之

公使史固歸國

子之元

歸於齊也元首也吳以獻魯

寘之新篋製之以玄纁

製馬也○口製音尉力

組帶焉寘書于其上曰天若不識不衷何以使下

國

言天識不善故殺國子

○吳將伐齊越子率其衆以朝焉王及列士皆有

饋賂吳人皆喜唯子胥懼曰是豢吳也夫

豢養也若人養犧牲非愛

之將殺之諫曰。越在我心腹之疾也。壤地同而有欲於我。

欲得夫其柔服求濟其欲也。不如早從事焉。從事得志。

於齊猶獲石田也。無所用之。石田不可耕越不爲沼。吳其

泯矣。使醫除疾。而曰必遺類焉者。未之有也。盤庚

之誥曰。其有顛越不共。則劓殄無遺育。無俾易種

于茲邑。盤庚商書也。顛越不共。從橫不承命者也。劓。割也。殄。絕也。育。長也。俾。使也。易。種轉生種類。是商所以與

也。今君易之。將以求大。不亦難乎。弗聽。使於齊屬

其子於鮑氏。爲王孫氏。私使人至齊屬。以其子改姓爲王孫。欲辟吳禍。屬音燭。下同。反役

王聞之。使賜之屬。鏹以死。艾陵役也。屬。鏹。劍名。鏹音聞。將死。曰。樹吾

墓槨可材也。吳其亡乎。三年其始弱矣。盈必毀。

天之道也。

越人朝之伐齊勝之盈之極也。為十三年越伐吳起。

○秋季孫命脩守備。曰：小勝大禍也。齊至無日矣。

善有備

○冬衛大叔疾出奔宋。

疾即齊也。

初疾娶于宋子朝。

子朝宋人。仕衛。

為大夫

其娣嬖。

娣所娶女之娣。

子朝出。

出奔。

孔文子使疾出其妻而

妻之。疾使侍人誘其初妻之娣。寘於犁。

犁衛邑。

而為之

一宮。如二妻。文子怒欲攻之。仲尼止之。遂奪其妻。

或淫于外州。外州人奪之。軒以獻。

外州衛邑。軒車也。以獻於君。

恥是

二者故出衛人立遣使室孔媾

遺疾之弟孔媾孔文子之女疾之妻

疾臣

向魋

為宋向魋臣

納美珠焉與之城鉏

城鉏宋邑

宋公求珠魋不

與由是得罪及桓氏出

出在十四年

城鉏人攻大叔疾衛

莊公復之

聽使還

使處巢死焉殯於郕葬於少禘

終言疾之失所

也巢鄭少禘皆衛地

初晉悼公子慙亡在衛使其女僕而田

僕御田獵

大叔懿子止而飲之酒

懿子大叔儀之孫

遂聘之生悼子

悼子大叔

疾

悼子即位故復戊為大夫

夏戊悼子之甥○戊音茂

悼子亡衛人

翦夏戊

翦削其辭邑

孔文子之將攻大叔也訪於仲尼仲

尼曰胡簋之事則嘗學之矣

胡簋禮器名夏曰胡周曰簋

甲兵之事

未之聞也。退命駕而行。曰：鳥則擇木，木豈能擇鳥。

以鳥自喻文子遽止之，曰：國豈敢度其私，訪衛國之難也。

國文子名將止仲尼魯人以幣召之，乃歸。於是自衛反魯樂正雅頌各得其所

○季孫欲以田賦。田賦之法，因其田財，通出馬一疋，牛三頭，今欲別其田及家財，各為一賦，故言田賦。○孔疏計

一邱民之家資，令出一馬三牛，又計田之所收，更出一馬三牛也。使冉有訪於仲尼，仲尼曰：邱

不識也。三發三發問卒曰卒，終也子爲國老，待子而行。若之

何？子之不言也。仲尼不對不公答而私於冉有，曰：君子

之行也。行政事度於禮，施取其厚，舉其中，斂從其薄。

如是，則以邱亦足矣。邱十六井，出戎馬一疋，牛三頭，是賦之常法。若不度於禮。

而貪冒無厭則雖以田賦將又不足且子季孫若

欲行而法則周公之典在若欲苟而行又何訪焉

弗聽為明年用田賦傳○厭平聲

經十有二年春用田賦直書之者以示改法重賦○夏五月甲辰孟

子卒魯人諱娶同姓謂之孟子春秋不改所以順時○公會吳于橐臯橐臯在淮南道縣東南○遼

音峻○今江南廬州府巢縣西北六十里有柘臯鎮漢之橐臯縣春秋吳邑也○秋公會衛侯宋皇瑗

于鄆鄆發陽也廣陵海陵縣東南有發陽口○縣音遙○今江南揚州府如皋縣東立發陽古發陽也亦名古鄆○宋向巢

帥師伐鄭○冬十有二月周十一月今十月是歲應置閏而失不置雖書十二月實今之

九月初尚溫故得有蝻

傳十二年春王正月用田賦

終前
年事

○夏五月昭夫人孟子卒昭公娶于吳故不書姓

諱娶同姓故謂之孟子若宋女

死不赴故不稱夫人

不稱夫人故不言薨

不反哭故

不言葬小君

反哭者夫人禮也。以同姓故不成其夫人喪。

孔子與弔適季氏季

氏不統放經而拜

孔子始老故與弔也。統優冠也。孔子以小君禮往弔季孫不服喪故去經從主節制。統音問。

○博氏遜曰孔子與弔弔于公也。弔畢而適季氏見季孫不統亦去其絲禮之稱也。拜者賓主之禮也。古者弔無拜禮。

○公會吳于橐臯吳子使大宰嚭請尋盟尋鄭公不

欲使子貢對曰盟所以周信也

周故心以制之五

帛以奉之

奉贊明神

言以結之

結其信

明神以要之

要以禍福

寡君以

爲苟有盟焉弗可改也已若猶可改日盟何益今

吾子曰必尋盟若可尋也亦可寒也尋重也寒敬也乃不尋盟

○吳徵會于衛初衛人殺吳行人且姚而懼謀於

行人子羽子羽衛大夫也且子餘反子羽曰吳方無道無乃辱吾

君不如止也子木曰吳方無道子木衛大夫國無道必奔

疾於人吳雖無道猶足以患衛為衛患也往也長木之斃

無不標也標擊也標音飄國狗之瘞無不噬也瘞狂也噬也而

况大國乎秋衛侯會吳于鄆公及衛侯宋皇瑗盟

盟不書畏吳竊盟而卒辭吳盟吳人藩衛侯之舍藩子服景

伯謂子貢曰夫諸侯之會事既畢矣侯伯致禮地

主歸餼

侯伯致禮以禮賓也地主所會主人也餼生物也

以相辭也

各以禮相辭讓

今吳不行禮於衛而藩其君舍以難之

難苦困也

去聲

子盍見大宰乃請束錦以行

以賂

語及衛故

若本不為衛請

者

大宰嚭曰寡君願事衛君衛君之來也緩寡君

懼故將止之

止

子貢曰衛君之來必謀於其眾其

眾或欲或否是以緩來其欲來者子之黨也其不

欲來者子之讎也若執衛君是墮黨而崇讎也

墮毀

也墮許規反

夫墮子者得其志矣且合諸侯而執衛君誰

敢不懼。隨黨焚歸而懼諸侯。或者難以霸乎。大宰

嚳說乃舍衛侯。衛侯歸效夷言。子之尚幼。子之公孫彌牟曰。

君必不免。其死於夷乎。執焉而又說其言。從之。固

矣。出公輒後卒死於越

○冬十二月。螽。季孫問諸仲尼。仲尼曰。邱聞之火

伏而後螽者畢。火心星也。火伏在今十月。今火猶西流。司歷過也。猶西流古

未盡沒。知是九月。歷官失一閏。釋例論之備。

○宋鄭之間有隙地焉。隙地。開田。曰彌作。頃邱。玉暢。岳。戈。

錫。凡六邑。○岳。五咸。反。錫音羊。子產與宋人爲成。曰。勿有是。俱非之。及宋

平元之族自蕭奔鄭

在定十五年

鄭人爲之城。岳，戈錫。

城以處平

元之族

九月，宋向巢伐鄭，取錫，殺元公之孫，遂圍岳。十

二月，鄭罕達救岳，丙申，圍宋師。

此事經在十二月，蓋上本例在下，更具列其月以爲別者。

邱明本不以爲義，例故不皆齊同。

經十有三年，春，鄭罕達帥師取宋師于岳。

書取覆而敗之。 ○

夏，許男成卒。

無傳

公會晉侯及吳子于黃池。

陳留封邱縣南

有黃亭，近濟水。夫差欲霸中國，尊天子，自去其僭號而稱子，以告令諸侯，故史承而書之。○今黃池在河南開封府封邱縣西南。

○楚公

子申帥師伐陳。

無傳

○於越入吳。○秋，公至自會。

無傳

○晉魏曼多帥師侵衛。

無傳

○葬許元公。

無傳

○九月。

無傳

冬十有一月有星孛于東方

無傳單且彗星皆說而字乃見故不言所

在之次。

○盜殺陳夏區夫

無傳稱盜非大夫。區烏侯反。

○十有二月

冬

無傳前年季孫雖聞仲尼之言而不正歷失閏至此年故復十二月各盡實十一月

十三年春宋向魍救其師

救前年圍岳師

鄭子賡使徇曰

得桓魋者有賞。魍也。逃歸。遂取宋師于岳。獲成。謹

郟延

二子宋大夫

以六邑爲虛

空虛之。各不有。

○夏公會單平公晉定公吳夫差于黃池

平公周卿士。也不書尊之。

不與會

六月丙子越子伐吳爲二隧

隧道也。顧氏炎武曰。隧即古隊字。

疇無

餘謳陽自南方

二子越大夫

先及郊。吳犬子友。王子地。王

孫彌庸壽於姚自泓上觀之

觀越師泓水名

彌庸見姑蔑之

旗

姑蔑越地今東陽犬未縣。大音秦。今浙江衢州府龍游縣也。

曰吾父之旗也

彌庸父為越所獲故姑蔑人得

其旌

不可以見讎而弗殺也。犬子曰戰而不克將亡

國請待之。彌庸不可。屬徒五千

屬會也。屬音燭。

王子地助

之。乙酉戰。彌庸獲疇無餘地。獲謳陽。越子至。王子

地守。丙戌復戰。大敗吳師。獲犬子友。王孫彌庸壽

於姚

地守故不獲

丁亥入吳。吳人告敗于王。王惡其聞也。

惡諸侯聞之

自剄七人於幕下

以絕口

秋七月辛丑盟。吳晉爭

先

爭歃血先後

吳人曰於周室我為長

吳為犬伯後故為長

晉人曰於

姬姓我爲伯伯爲侯趙鞅呼司馬寅寅大夫曰日旰矣旰也

旦反大事未成二臣之罪也大事盟也二臣鞅與寅建鼓整列二臣

死之長幼必可知也對曰請姑視之反曰肉食者

無墨墨氣色下今吳王有墨國勝乎國為敵所勝犬子死乎且夷

德輕不忍久請少待之少待無與爭乃先晉人盟不書諸侯恥之故不錄

吳人將以公見晉侯子服景伯對使者曰王合諸

侯則伯帥侯牧以見於王伯王官伯侯牧方伯伯合諸侯則侯

帥子男以見於伯伯諸侯長自王以下朝聘玉帛不同故

徹邑之職貢於吳有豐於晉無不及焉以爲伯也

今諸侯會而君將以寡君見晉君則晉成爲伯矣

敝邑將改職貢魯賦於吳八百乘若爲子男則將

半邾以屬於吳半邾三百乘而如邾以事晉如邾六百乘且執事

以伯名諸侯而以侯終之何利之有焉吳人乃止

既而悔之謂景伯欺之將囚景伯景伯曰何也立後於魯

矣何景伯名將以二乘與六人從遲速唯命遂囚以還及

戶牖戶牖陳留外黃縣西北東昏城是今東昏故城在開封府蘭陽縣東北謂大宰曰魯將以

十月上辛有事於上帝先王季辛而畢何世有職

焉有職於祭事自襄以來未之改也魯襄公若不會祝宗將曰

吳實然

言魯視宗將告神云景伯不會坐為吳所囚吳人信鬼故以是恐之

且謂魯不共而執其

賤者七人何損焉大宰詔言於王曰無損於魯而

祇為名

適為惡名

不如歸之乃歸景伯吳申叔儀乞糧於

公孫有山氏

申叔儀吳大夫公孫有山魯大夫舊相識

曰佩玉繁兮余無所繫

之

繁然服飾備也已獨無以繫佩言吳王不恤下○繁而水反

旨酒一盛兮余與褐之父

睨之

一盛一器也睨視也褐寒賤之人言但得視不得飲○盛音成

對曰梁則無矣麤則有

之若登首山以呼曰庚癸乎則諾

軍中不得出糧故為私隱庚西方主穀癸北方主水

傳言吳子不與士共饑渴所以亡○呼去聲孔疏食以稻梁為貴故以梁表精若求梁米之飯則無矣麤者則有之若我登首山以叫呼庚癸乎女則諾庚在西方穀以秋熟故以庚主穀癸在北方居水之位故以癸主水言欲致餅并致飲也

王欲伐宋殺其丈夫

而囚其婦人

以宋不會黃池
故言吳子恃威

大宰嚭曰可勝也而弗能

居也乃歸冬吳及越平

終伍員
之言

春秋左傳杜注卷第二十九